

Guangjshih Minzcuz Bau

ganhhau: CN45-0036 B.2018 Nd.12 Ng.19 liggaeuq fouhswt nienz ndwenit cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3354期

Hozciz Si Yungh Gij Vwnzva Minzcuz Vunznoix Daiqdoengh Lajmbanj Lijyouz Cingzyauq Yienhda

Geij bi neix daeu, Hozciz Si nyinhcaen gvancez doeksaed gij minzcuz cwngecwz aen dangj, haenq-rengz fatyienz vwnzva minzcuz, gaenxmaenx haiguh hozdung angqhoh ngoenzciet minzcuz, baujhoh caeuq hwngfat aenmbanj miz daegsaek minzcuz vunznoix, aeu vwnzva minzcuz vunznoix caeuq lajmbanj lijyouz dox giethab, cingzyauq yienhda.

It dwg yungh hozdung vwnzva angqhoh ngoenzciet minzcuz hwngfat lajmbanj lijyouz, coicaenh deihfueg ginghci demmaj. Hozciz Si cungdenj dajcauh "sam nyied sam" Bouxcuengh, cietcuozcu Yauzcuz, cietfaenlungz Mauznanzcuz daengj hozdung angqhoh ngoenzciet hung minzcuz haenqrengz hwngfat lajmbanj lijyouz.

Ngeih dwg gyagiengz hwnjguh aenmbanj miz daegsaek minzcuz vunznoix, guh hung gij giekdaj lajmbanj lijyouz. Geij bi neix daeu, Hozciz Si gyagiengz hwnjguh aenmbanj miz daegsaek minzcuz vunznoix, gonqlaeng 2 baez cujiz caeuqfaenh aenmbanj miz daegsaek minzcuz vunznoix Cungguk ancoh. Seizneix Hozciz Si miz 10 aen aenmbanj miz daegsaek minzcuz vunznoix ndaej Guekgya Minzvej ancoh, gij soq youq Guengjsae baiz vih daihsam. Doiq moix aen mbanj mbouj doengz swyenz diuzgienh caeuq swyenz giindei vwnzva minzcuz, haenqrengz hwngfat daegsaek nungzyez canjnieb caeuq vwnzva lijyouz canjnieb, mboujduenh gya'gvangq gij giekdaj lajmbanj

lijyouz, yinx haujlai bouxhek daeu caeuqfaenh minzcuz hozdung, yawj-ngonz, youqndwi.

Sam dwg yawjnaek haifat gij canjnieb lijyouz vwnzva minzcuz vunznoix, doidoengh lajmbanj lijyouz onjamq hwngfat. Hozciz Si baengh gizdieg daegsaek dajcauh "gyaeunanz, swngghai, minzcuz, saeknding" seiq aen vwnzva lijyouz canjnieb binjbaiz. Gungganq dajcauh binjbaiz "dieg gyaeunanz swngghai • singz vwnzva Samcej" cingzyauq yienhda. Dieg saedniemh baujhoh swngghai(Hozciz) vwnzva aennyenz guekgya, dieg lijyouz gozci ciengxndang gyaeunanz Bahmaj daengj gak hangh hwnjguh onjamq doicaenh.

(Veiz Dunghcwngz)

SIUSIK DINJ

● Mboengqneix, Gung-cinghdonz Dunghlanz Yen-vej cujiz 4 boux boux-gagnyienh bae daengz Dunghlanz Yen Swmungj Yangh Lungbingz Siujyoz, haiguh geiz daih' it hozdung dajveh dangzgoq bang son-gyauq gvansim lwgnyez louz mbanj, vih 118 boux lwgnyez Lungbingz Siujyoz soengq bae dangzgoq mizyinx fung-fouq lai yiengh ndeu, caemhcai soengq buhvaq seizdoeng bae hawj gyoengq lwgnyez.

(Veiz Cuihyij)

● Mboengqneix, Fuz-suih Yen haiguh aen hozdung senhconz fanj sezgyau, hozdung cawjdaez dwg "gingq-cungh gohyoz fanjdoiq sezgyau", doenggyauq laeb daizcamcaz, guh canjbanj, fat swhliu senhconz daengj lai cungj roenloh haeujlaeg haiguh fanj sezgyau senhconz gyauyuz, caemhcai goengboub sezgyau anqgienh gawjbauq dienhvah, gvangqlangh dungyenz vunzlai ndawbiengz, cawjdoengh gaenxmaenx gienjgawj sezgyau famhgap famhcoih.

(Moz Liyen)

● Mboengqneix, Lunglinz Gak Cuz Swciyen Sahliz Yangh Cwngfuj banh aen hozdung cunzdauq yienj heiq vut gungz gunggeng. Geizgan, aen yangh neix mizgven cansoj, hagdangz ganbu cizgungh caeuq vunzlai gak mbanj gaenxmaenx camgya yienj heiq, gyagiengz gij saenqsim caeuq gietsim vunzlai vut gungz baenz miz, bangdoi vut gungz gunggeng.

(Bangz Minjvei)

● Mboengqneix, youq dieg anyouq luzcoz senj ranz bangfuz Lingzyinz Cauzlij Yauzcuz Yangh, ranzgungzhoj ngamq senj haeuj ranzmoq haenx doxcomz youq giz ndeu, ciengqgo diuqfoux angqhoh haeuj ranzmoq. Aen yienh neix "cibsam haj" dajveh saedhengz senj dieg senj ranz 3393 ranz 16109 boux, daengz seizneix, senj haeuj ranzmoq cingzsoq gaenq daengz 82%.

(Loz Hihhaij)

Heiq Fungcingz Mulauj 《Nuengx Bae Guhcaemz》 Yienjok Ndeiyawj



Ndwen 12 ngoenz 14 banhaemh, heiq fungcingz Mulauj 《Nuengx Bae Guhcaemz》 Lozcwngz Mulajcuz Swciyen cauhbien haenx youq Mulajcuz Heiqyienh yienjok ndeiyawj, aen heiqmoeg neix dwg aen hanghmoeg bangfuz "vwnzva cingbinj" Swcigih Dangjvej Senhconzbu caeuq aen hanghmoeg bangfuz cienhangh saedhengz "sam gih" vunzcaiz haeujcoengh dajveh vwnzva bouxguhong Aen Cungsim Cauhguh Yisuz Guengjsae. Ciuq camrox, aen heiqmoeg neix mboengqneix yaek bae Luzcai, Gveilinz, Ginhshu daengj dieg cunzdauq yienjok. Ndaw doz dwg bouxyienj cingq yienj heiq.

(Veiz Yuzdai/韦如代 ingj)

Bingzloz Yungh Lai Cungj Banhfap Bangdoi Hong Senhconz Minzcuz Doxgiet Cinbu

Bineix doxdaeu, Bingzloz Yen yungh lai cungj banhfap gyamaenh caeuq hwngfat gij gvanhaeh minzcuz sevei cujyi bingzdaengj, doxgiet, doxbang, huzndei, rengzrdw doicaenh hong senhconz minzcuz doxgiet cinbu, caux ok gij heiqfaenh senhconz minzcuz doxgiet cinbu ndei.

It dwg bae yanghcin senhconz minzcuz doxgiet cinbu. Aen yienh neix minzcunghgiz leihyungh ndwen senhconz minzcuz doxgiet cinbu moix bi banh baez haenx, youq Yauzcuz Yangh, Gyauzdingz Yangh haiguh hozdung ndwen senhconz minzcuz doxgiet cinbu, venj fuk baengzhoengz miz saw

minzcuz vunznoix caeuq Sawgun, langhbaij gij senhconz banjbau aeu minzcuz doxgiet guh cawjdaez haenx, fat gij swhliu senhconz minzcuz cwngecwz, minzcuz fapldw fapgi aen dangj caeuq guekgya 1000 lai faenh.

Ngeih dwg bae lajmbanj senhconz minzcuz doxgiet cinbu. Aen yienh neix minzcunghgiz youq mwh bae lajmbanj diuyenz, byaij haeujgyawj beixnuengx minzcuz aenmbanj dieg comzyouq minzcuz vunznoix bae, aeu minzcuz cwngecwz, fapldw fapgi aen dangj caeuq guekgya senhconz daengz lajmbanj senhconz daengz bouxvunz, caemhcai youq doiqnaj gejdap gij

vwndiz mizgven minzcuz fuengmienh vunzlai daezok haenx.

Sam dwg bae gunghyenz senhconz minzcuz doxgiet cinbu. Aen yienh neix minzcunghgiz caeuq senhconz bouhmonz lienzhah guh benq ciendaeh hozdung ndwen senhconz minzcuz doxgiet cinbu, leihyungh goeng'ik denswj bingzmu gunghyenz, denswj bingzmu danhvei henz gai, seiz mbouj seiz boquengq gij ciendaeh neiyungz minzcuz cwngecwz caeuq saw minzcuz vunznoix nem Sawgun daengj fuengmienh, vih hong minzcuz daengx yienh caux ok gij heiqfaenh senhconz ndei.

(Vangz Fangh)